

四庫全書存目叢書編纂委員會編

齊魯書社

四庫全書存目叢書

史部
第七六冊

責任編輯：孫言誠 賀 偉

ISBN 7-5333-0535-3



9 787533 305352 >

2-1389/06

四庫全書存目叢書·史部七六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精業印務有限公司印製

787×1092毫米 16開本 52.875印張

1996年8月第1版 1996年8月第1次印刷

印數1-100

ISBN 7-5333-0535-3

Z·37 史部定價：87600圓

史部第七六冊目次

史部·傳記類

孔子論語年譜一卷

〔元〕程復心撰
北京大學圖書館藏清鈔本

..... 一

孟子年譜一卷

〔元〕程復心撰
北京大學圖書館藏清鈔本

..... 二三

闕里誌二十四卷

〔明〕陳鎬撰 孔胤植等增補
北京師範大學圖書館藏明崇禎刻清雍正增修本

..... 三九

孔顏孟三氏誌六卷提綱一卷

〔明〕劉濬輯
北京圖書館藏明成化十八年張泰刻本

..... 五二四

孔子論語年譜一卷

〔元〕程復心撰

北京大學圖書館藏清鈔本

附《四庫全書總目·孔子論語年譜一卷》提要

孔子論語年譜

元 程復心撰

嘗改得論語中十五志學一章乃孔子自述生平年譜都是實心實理實事實話節節可據復歷而明其言去夢莫不遠蓋作春秋後語也嬉戲陳俎豆即是志學不待十五十五以往問禮問官即是博學無方之學三十以往從昭公出亡留齊七年不仕齊魯此立之大節四十以往從道循明不惑於老楊晏墨見行可仕不惑於季平陽貨此不惑之大節五十以往當學易之年攝相用魯魯國大治女樂去魯席不暇煖富貴貧賤更迭患難畢聚十年之間知進退存亡而不失其正此知天命之大節六十以往自衛反魯刪詩書定禮樂贊周易詩三百篇皆弦歌之以求合韶武雅頌之音此耳順之大節七十以往九月而成春秋筆則筆削則削此從心不踰矩之大節按之載籍記事記言表裏互見即事即理歲月昭如謹次孔子論語年譜於左

年譜

周靈王二十一年魯襄公二十一年歲己酉庚子孔子生于魯國之昌平鄉鄆邑父叔梁紇為鄆邑大

夫母顏氏孔子名丘字仲尼生而父卒六歲為兒嬉
戲常陳俎豆設禮容羣兒化效相與揖讓名聞列國
是歲顏路曾點生明年孔子七歲晏平仲治交東阿
設鄉學孔子居近往入其學是歲冉耕生明年孔子
九歲見季札觀樂於魯是歲十仲由生越二年孔子
十一歲才過平仲鄭驥明欲毀鄉校子產不毀孔子
聞之曰人謂子產不仁吾不信也是歲漆雕開生越
三年孔子十五歲五禮六樂五材五藝六書九數無
不習而通其藝遂志於大學之道是歲閔損生孔子
適聞孟仲之子殺豎牛於塞闢之外乃慨然而論之

曰叔孫昭子之不勞不可能也周任有言曰為政者不賞私勞不罰私怨詩曰有覺德行四國順之趙二年孔子十七歲適周訪禮於老子魯大夫並釐子誠其嗣懿子及南宮敬叔曰孔丘聖人之後年少好禮其達者歟吾即沒若必師之趙二年孔子十九歲娶宋開官氏明年二十歲為魯姜艾料量平曰會計當而已矣是歲生子昭公以二鯉魚賜之因榮君賜名鯉字伯魚明年孔子二十一歲為栗田畜蕃息曰牛羊茁壯長而已矣魯人襍較孔子亦襍較孔子先薄正祭罷不以四方之食供薄正鈞而不網不射宿

史 76—2

有君子之道四焉其行己也恭其事上也敬其養民也惠其使民也義明年孔子三十一歲景公遣使聘孔子孔子遂適齊景公欲以廩丘之邑為養辭及魯道始專弟子信從者衆是歲高柴生明年孔子三十二歲在魯設教衛端木賜生明年孔子三十三歲適齊景公田招虞人以旌不至將殺之子曰志士不忘在溝壑勇士不忘喪其元時居於外館景公造馬周使至言先王廟災公曰何王之廟子曰堯王之廟也既而使報堯王廟災公驚曰善乎聖人之智過人遠矣明年孔子三十四歲孟釐子卒孟懿子嗣與南宮敬孫師孔子學禮南宮敬孫請于魯昭公與孔子車一乘馬二匹豎子侍御與敬孫同至周問禮於老聃訪樂於苴弘歷邾社之所考明堂之則察廟朝之度于是喟然曰吾乃今知周公之聖與周之所以興也觀明堂四門之牆有堯舜之容桀紂之象各有善惡之狀興廢之誠焉又有周公相成王抱之負斧康南面以朝諸侯之圖焉孔子徘徊望之謂從者曰此周公之所以盛也既而曰為政以德譬如北辰居其所而衆星共之又入后稷之廟堂石階之前有金人參軼其口而銘其背孔子既讀斯文顧謂弟子曰行身

如此堂以口過慮哉古者言之不啻恥躬之不逮也周使伯常騫問通孔子語以四戒去周老子送之曰當今之世聰明深察而近於死者好談議人者也博辯宏遠而危其身者好發人之惡者也孔子曰敬奉教他日曰述而不作信而好古竊比於我老彭默而識之學而不厭誨人不倦何有於我哉德之不脩學之不講聞義不能徙不善不能改是吾憂也他日又曰道不同不相為謀時齊晏嬰墨學也宋墨翟為非儒非樂之說以詆孔子老氏之徒楊朱亦為論非孔子孔子曰攻乎異端斯害也已孔子自司返魯道彌尊弟子日進秦商仲由閔損冉耕之徒咸受學焉南宮三復白圭孔子謂邾有無道不廢邾無道免於刑戮以其兄之子妻之四教文行忠信雅言詩書執禮罕言利命與仁不語怪力亂神曰自行束脩以上吾未嘗無誨焉明年孔子三十五歲季平子偕禮孔子謂季氏八佾舞於庭是可忍也孰不可忍也三家者以雍徹子曰相維辟公天子穆穆奚取於三家之堂又曰人而不仁如禮何人而不仁如樂何曰能以禮讓為國乎何有不能以禮讓為國如禮何昭公告子家駒曰季氏為無道僭於公室久矣吾欲殺之何如子

家曰諸侯僭于天子大夫僭于諸侯久矣昭公曰吾何惜矣哉子家曰諷而觀衆大輅朱于玉戚以舞大夏八佾以舞大武此皆天子之禮也季氏得民衆君無多辱焉昭公不從季平子與郈昭伯以聞鷄故得罪昭公公帥師擊平子平子與孟孫氏叔孫氏三家共攻昭公公帥敗奔於齊時公居于長府欲逐殺平子以及於難先是魯人為長府閭子禽曰仍舊貫如之何何必改作子曰夫人不言言必有中至是公奔齊魯亂孔子適齊為高昭子家臣款以通乎景公景公取魯之鄆邑以居昭公明年孔子三十六歲在齊聞韶三月不知肉味曰不圖為樂之至於斯也是歲樊須生明年孔子三十七歲歸魯見延陵季子莖子以為合禮復適齊明年孔子三十八歲顏淵生孔子三十九歲四十歲四十一歲四十二歲皆在齊留七年齊人高柴公冶長從遊孔子謂公冶長可妻也雖在縲絏之中非其罪也以其子妻之景公問政子曰君君臣臣父父子子公曰善哉信如君不君臣不臣父不父子不子雖有粟吾得而食諸景公將以尼谿之田封孔子晏嬰沮之曰孔子儒者累世不能殫其學當年不能究其禮君欲用之以移齊俗非所以先

細民也後景公見孔子不問其禮吳日景公待孔子曰若季氏則吾不能以季孟之間待之齊大夫款害孔子孔子聞之景公又曰吾老矣不能用也孔子遂接淅而行反於魯是年昭公薨於乾侯定公立孔子在齊時往觀呂梁之水因而至吳又遊越時吳闔閭伐越隨會稽得骨節專車吳使問孔子孔子答以防風氏之骨吳客曰善哉聖人是歲公西赤生明年孔子四十三歲定公元年季平子孫僭陽貨專政孔子不仕退修詩書禮樂以教弟子弟子彌衆生自遠方莫不受業如衛人端木賜秦人石作蜀陳人公良孺蔡人漆雕開以及商瞿梁鱣巫馬施冉雍冉求皆及門遷入洙泗設教九國子曰君子食無求飽居無求安敏于事而慎于言就有道而正焉可謂好學也已陽貨欲見孔子孔子不見歸孔子豚孔子時其亡也而往拜之過諸塗謂孔子曰來予與爾言曰懷其寶而迷其邦可謂仁乎曰不可好從事而亟忘時可謂知乎曰不可日月逝矣歲不我與孔子曰諾吾將仕矣或謂孔子曰子奚不為政子曰書云孝乎惟孝友於兄弟施於有政是亦為政矣其為政是歲適陳有若生明年孔子四十四歲在魯衛卜商生明年

孔子四十五歲在魯吳言僉生明年孔子四十六歲
觀于魯桓公之廟有敝器焉顧謂弟子曰誰注水焉
乃注之水中則正滿則覆夫子喟然歎曰文物惡有
滿而不覆者哉子語魯太師樂正曰樂其可知也始作
翕如也從之純如也敝如也繹如也以成子謂韶重
美也又盡善也謂武盡美矣未盡善也明年孔子四
十七歲季平子卒陽貨因季桓子與盟而禘之時公
山弗擾為費宰蒞蒞為郈宰皆倚陽貨各以邑級弗
援召孔子于欲往于路不說子曰夫召我者而豈後
哉如有司我者吾為東宮乎然亦卒不行季桓子
立。孔子為中都宰陽貨將以君之福饌餽平子。贈以
珠玉。孔子聞之。歷階而救焉。曰送死而以寶玉。是猶
曝屍于中原也。乃止。桓子穿井得土缶中有物。問孔
子曰得狗。孔子曰以丘所聞。羊也。木石之怪。魃魍魎
水之怪。龍罔象土之怪。犢羊齊有一足之鳥。飛集於
公。朝舒翅而跳。景公大怪之。使使聘魯。問孔子曰。此
鳥名商羊。水祥也。昔兒童有屈一膝振肩而跳。其詠
曰。天將大雨。商羊鼓舞。今齊有之。其應至矣。急告民
趨治溝渠。備隄防。頃之大霖雨。水溢泛諸國。傷害人
民。齊有備不敗。景公曰。聖人之言信而有徵矣。是歲

魯參生都隱公既即位將冠使大夫國仲孫閱禮于
孔子子告以如世子之冠有冠頌是歲孔子始讀易
曰假我數年五十以學易可以無大過矣明年孔子
四十八歲為中都宰制為養生送死之節強弱異任
長幼異食五十異糧六十宿肉七十二鬴八十常珍
九十飲食不離寢膳飲從遊道路男子由右女子由
左踰不拾遺器不雕偽市不鬻價四寸之棺三寸之
槨因丘陵為墳庶人懸棺不封不槨行之一年而四
方則之公謂孔子曰學于此法以治魯國何如孔子
曰雖天下可也何但魯國哉曰齊一變至於魯魯一
變至於道曰道千乘之國敬事而信節用而愛人使
民以時是歲顏孫師生明年孔子四十九歲進位司
空山林川澤丘陵墳衍原隰五土之性使物各得其
所芝宜先是季平子薨昭公于墓道之南孔子溝而
合諸墓焉謂桓子曰貶君以彰己罪非禮也今合之
所以揜夫子之不仁是歲陽貨竊魯寶玉大弓入驢
陽關以鞫宥不齊生明年孔子五十歲由司空為司
寇國人謗之曰虜裘而鞶投之無戾鞶之虜裘投之
無却既而設法不用國無奸民定公問君使臣臣事
君如之何孔子對曰君使臣以禮臣事君以忠定公

問一言而可以興邦有諸孔子對曰言不可以若是其幾也人之言曰為君難為臣不易如知為君之難也不幾乎一言而興邦乎曰一言而喪邦有諸孔子對曰言不可以若是其幾也人之言曰予無樂乎為君唯其言而莫予違也如其善而莫之違也不亦善乎如不善而莫之違也不幾乎一言而喪邦乎子曰麻冕禮也今也純儉吾從衆拜下禮也今拜乎上泰也雖違衆吾從下曰事君盡禮人以為諂也孔子於鄉黨恂恂如也似不能言者其在宗廟朝廷便言唯謹爾朝與下大夫言侃侃如也與上大夫言誾誾如也君在踧踖如也與與如也入公門鞠躬如也如不容立不中門行不復闕過位色勃如也足躩如也其言似不足者攝齊升堂鞠躬如也屏氣似不息者出降一等還顏色怡怡如也沒階趨翼如也復其位踧踖如也納衣羔裘素衣廣裘黃衣狐裘廢然于退朝曰傷人乎不問焉君賜食必正席先嘗之君賜腥必熟而薦之君賜生必畜之君命召不俟駕行矣孔子與於蜡既賓游于觀之上言偃侍喟然歎曰夫魯之郊與禘嘗非禮周公其哀矣杞之郊也禹宋之郊也契是天子之事守也天子以杞宋二王之後周公攝

政致太平而與天子同是禮也又曰禘自既灌而往者吾不欲觀之矣是歲冉孺曹卣伯虔顏高生明年孔子五十一歲當周敬王十九年魯定公九年為魯大司寇攝行相事與聞國政七日而誅亂政大夫少正卯於兩觀之下曰巧言亂德小不忍則亂大謀時有父子訟者夫子同控執之三日不別其父請止孔子故之曰聽訟吾猶人也必也使無訟乎是歲閔子騫為費宰問政于是孔子有執轡之論孔子通問於高昭子相是子華使于齊冉子為其母請粟子曰與之釜請益曰與之庾冉子與之粟五秉子曰赤之遠齊也乘肥馬衣輕裘吾聞之也君子周急不繼富時原思為之宰與之粟九百辭子曰毋以與爾鄰里鄉黨于是歲陽貨奔齊齊將執之逃奔晉歸寶玉大弓桓魯明年孔子五十二歲為大司寇攝行相事魯有販羊者沈猶氏常割飲其羊以詐市人公慎氏妻淫不制慎氏屠豕踰法鬻六畜者誅之以儲價及是則沈猶氏不敢飲羊公慎氏出其妻慎氏趙境而徙三月鬻牛馬者不豫價賣豚者不加師男女別途耕者遜畔行者遜路道不拾遺男尚中正女尚柔順四方客至如歸國人誦之曰衮衣童首黃葆我所

童而衣衣惠我無私先是齊魯伐無年歲孔子用魯於是春及齊平夏齊景公會魯定公於夾谷孔子相犂彌言于齊侯曰孔丘知禮而無勇若使萊人以兵劫魯侯必得志焉齊侯從之孔丘以公退曰士兵之而君合好而商賈之俘以兵亂之非齊君所以命諸侯也商不謀夏夷不亂華俘不干盟兵不偪好于神為不祥於德為愆義於人為失禮君必不然齊侯聞之遽辟之將盟齊人加于載書曰齊師出境而不以甲車百乘從我者有如此盟孔子使茲無還揖對曰而不反我汶陽之田吾以共命亦如之齊侯將享公孔子謂梁丘據曰事既成矣而又享之是勤執事也享所以昭德也不昭不如其已也乃不果享齊人采歸鄭澠免陰之田君召使擯色勃如也足蹶如也揖所與立左右手永前後稽如也趨進翼如也賓退必復命曰賓不顧矣是歲好會成孔子聘於齊執圭鞠躬如也如不勝上如揖下如授勃如戰色足踣踣如有循享禮有容色私覲愉愉如也既聘還魯明年孔子五十三歲齊晏子卒孔子遣代弔問人於他邦再拜而送之曰晏平仲善與人交久而敬之是歲孔子學易孟懿子問孝子曰無違樊遲御于告之曰孟

孫問孝於我我對曰無違樊遲曰何謂也子曰生事之以禮死葬之以禮祭之以禮明年孔子五十四歲行于季孫三月不違于是言於定公曰臣聞家無藏甲大夫無百雉之城古之制也今三家過制請損之使仲由為季氏宰將墜三都於是叔孫氏墜郈季氏將墜費公山不狃叔孫輒帥費人以襲魯公與三子入於季氏之宮登武子之臺費人攻之弗克入及公側孔子命申句須樂頎下伐之費人北國人追之敗諸姑蔑不佞輒奔齊遂墜費將墜成公斂處父謂孟孫隨成人必至於北門無成是無孟氏也子偽不知我將不隨公圍成弗克孔子薦閔子為上卿不用齊犁鉏計沮孔子曰隣國有聖人已國之憂也歸魯女樂桓子受之三日不聽政郊又不致膳鉏于大夫孔子不稅冕而行為雉鳴之歌曰山梁雌雉時哉時哉色斯舉矣翔而後集子路共之三嗅而作於是太師擊適齊亞飯子適楚三飯練適魯四飯缺適秦鼓方叔入於河播鼗武入於漢少師陽擊磬襄入於海是歲叔仲會生明年孔子五十五歲失魯司寇將之荆先之以子夏又申之以冉有不果行于是子適衛冉有僕子曰庶矣哉冉有曰既庶矣又何加焉曰富之

曰既富矣又何加焉曰教之至儀儀封人請見曰君子之至於斯也吾未嘗不得見也從者見之出曰二三子何患於喪乎天下之無道也久矣天將以夫子為木鐸衛靈公聞孔子至喜而郊迎孔子至衛至于子路妻兄顏濁鄒家靈公問孔子居魯得祿幾何對曰奉粟六萬衛人亦致粟六萬彌子之妻與子路之妻兄弟也彌子謂子路曰孔子主我衛鄉可得也子路以告孔子曰有命竟不主彌子居頃之或謂孔子於衛靈公靈公使公孫余假一出入孔子恐獲罪焉是時衛仲叔圉治賓客祝鮀治宗廟王孫賈治軍旅

王孫賈問曰與其媚於奧寧媚於竈何謂也子曰不然獲罪於天無所禱也居十月去衛適曹至宋明年孔子五十六歲自宋適陳過匡陽貨嘗暴於匡孔子狀類陽貨匡人拘焉五日弟子懼子路怒奮戟將與之戰孔子止之使子路彈琴而歌孔子之和之曰文王既沒文不在茲乎天之將喪斯文也後死者不得與于斯文也天之未喪斯文也匡人其如予何由三終匡人解甲而去顏淵後子曰吾以女為死矣曰子在回何敢死是時孔子使從者為審武子臣子御然後得去他日曰審武子邦有道則知邦無道則愚其知

可及也其愚不可及也明年孔子年七歲自匡過蒲月餘反衛主蘧伯玉家時公叔文子為大令月治嚴而家富孔子問於公明賈曰信乎夫子不言不笑不取乎公明賈對曰以告者過也夫子時然後言人不厭其言樂然後笑人不厭其笑義然後取人不厭其取子曰其然堂其然乎公叔文子之臣大夫僕與文子同升諸公子聞之曰可以為文矣子謂衛公子荆善居室始有曰苟合矣少有曰苟完矣富有曰苟美矣衛靈公夫人南子宋女也有淫行逐世子蒯瞶出奔宋使人求見孔子孔子辭謝不得已而見之子路不

悅夫子矢之曰予所否者天厭之天厭之邦君之妻君稱之曰夫人夫人自稱曰小童邦人稱之曰君夫人稱諸異邦曰寡小君異邦人稱之亦曰君夫人居衛月餘靈公與南子同廚宦者雍渠參果出使孔子為次果招搖市過之孔子曰吾未見好德如好色者也醜之他日曰唯女子與小人為難養也近之則不遜遠之則怨又曰不有祝鮀之佞而有宋朝之美難乎免乎今之世矣去衛過曹曹伯陽不答去適宋與弟子習禮大樹下曰歲寒然後知松柏之後彫也是時孔子不悅於魯衛遭宋桓司馬將要而殺之伐其

樹孔子微服而過宋曰天生德於予桓魋其如予何時桓與弟子頤子車同惡將為亂魁弟司馬牛從孔子遊問仁子曰仁者其言也訥問君子子曰君子不夏不懼司馬牛憂曰人皆有兄弟我獨亡子夏曰商聞之矣死生有命富貴在天君子敬而無失與人恭而有禮四海之內皆兄弟也君子何患乎無兄弟也孔子自宋還鄭弟子相夫子獨立鄭東門外鄭人姑布子卿謂子貢曰東門有人焉其長九尺六寸河間龍韞其頸似充其項似皋陶其肩類子產自腰以下不及高三寸纍纍然似喪家之狗子貢以告子曰形

狀未也而似喪家之狗然哉去鄭適陳是歲魯定公薨哀公立明年孔子五十八歲歲當阮至陳主于司城負子時為陳侯周臣陳侯賓之上館時有隼鳥集於陳侯之庭而死桮矢貫之石砮其長尺有咫陳侯問焉孔子曰隼之來遠矣此肅慎氏之矢也昔武王克商肅慎氏貢桮矢以分大姬配胡公而封諸陳公使人求得之政府金匱如之陳侯就孔子燕遊行路之人云魯司鐸災及宗廟以告孔子孔子曰其桓魋之廟乎桓魋之親盡矣功德不足以存其廟而不毀是以天災加之三日魯使至問焉則桓魋也陳侯謂

子貢曰吾乃今知聖人之可貴子貢曰君今知之可矣未若專其道而行其化之善也陳司敗問昭公知禮乎孔子曰知禮孔子退揖巫馬期而進之曰吾聞君子不黨君子亦黨乎君取於吳為同姓謂之吳孟子君而知禮孰不知禮巫馬期以告子曰丘也幸苟有過人必知之是歲子貢始用於魯孔子在陳聞定公薨訃反魯而居魯與弟子講學顏淵問仁子曰克己復禮為仁一日克己復禮天下歸仁焉為仁由己而由人乎哉顏淵曰請問其目子曰非禮勿視非禮勿聽非禮勿言非禮勿動顏淵曰回雖不敏請事

斯語矣記曰顏淵十八天下歸仁仲弓問仁子曰出門如見大賓使民如承大祭已而不欲勿施於人任邦無怨在家無怨仲弓曰雍雖不敏請事斯語矣顏淵季路侍有盡各言爾志之問子路顏淵以次對子路曰願聞子之志子曰老者安之朋友信之少者懷之子路曾皙冉有公西華侍坐有如或知爾則何以哉之問子路冉求公西赤曾點以次對夫子喟然歎曰吾與點也孟武伯師事孔子問孝子曰父母唯其疾之憂時有樊遲問知問仁之答遂伯玉使人於孔子孔子與之坐而問焉夫子何為對曰夫子欲寡其

過而未能也使者出子曰使乎使乎齊大夫子高通魯見孔子曰今而後知泰山之為高海潤之為大也是歲吳王夫差敗越于夫椒報檣李也明年孔子五十九歲魯將遣晉趙盾簡子攻范中行氏伐中牟趙氏家臣佛肸為中牟宰以中牟畔召子欲徃子路曰由聞夫子曰親於其身為不善者君子不入也佛肸以中牟畔子之往也如之何子曰然有是言也不曰堅乎磨而不磷不曰白乎涅而不緇吾豈匏瓜也哉焉能繫而不食終亦不果徃復遣陳會陳湣公初立晉楚爭強更伐陳及吳夫差伐陳陳常被寇孔子去陳過蒲會公叔氏以蒲畔蒲人止孔子弟子有公良孺者以私車五乘從孔子其為人長賢有勇力謂曰吾昔從過難於匡今又過難於此命也已吾與夫子再罹難寧闕而死聞甚疾蒲人懼謂孔子曰苟毋違衛吾出子與之盟出孔子東門孔子遽遣衛子貢曰盟可負取孔子曰要盟也神不聽至衛衛靈公問曰蒲可伐乎孔子曰可其男子有死之志婦人有保西河之志吾所伐者不過四五人公曰善然不伐蒲時靈公在位四十二年老怠於政不用孔子孔子喟然歎曰苟有用我者期月而已可也三年有成孔子將

西見趙簡子至于河而聞竇鳴犢犛華之死也臨河而歎曰美哉水洋洋乎丘之不濟此命也夫子貢問焉子曰竇鳴犢犛華晉之賢大夫也趙氏未得志之時須此二人而後從政得志而殺之君子惡傷其類也鳥獸之于不義尚知避之況於人乎乃還息于陬作陬操以哀之而反于衛復主蘧伯玉家初伯玉以史魚薦仕時已不仕孔子曰直哉史魚邦有道如矢邦無道如矢君子哉蘧伯玉邦有道則仕邦無道則可卷而懷之靈公問陳孔子曰俎豆之事則嘗聞之矣軍旅之事未之學也明日與孔子語見蜚雁仰視之色不在孔子孔子遂行衛人從後削其跡復如陳是歲衛靈公卒立孫輒是為衛出公趙鞅納太子蒯賁于戚陽貸使太子繞入人裏經偽自衛迎者哭而入遂居焉冉有問於子貢曰夫子為衛君乎子貢曰諾吾將問之入曰伯夷叔齊何人也曰古之賢人也曰怨乎曰求仁而得仁又何怨出曰夫子不為也明年孔子六十歲齊助衛圍戚以蒯賁在故也孔子在陳時被兵久孔子無上下之交暴露而居于桑落之下絕糧從者病莫能興子路愠見曰君子亦有窮乎子曰君子固窮小人窮斯濫矣子謂子貢曰女以予

為多學而識之者與對曰然非與曰非也予一以貫
之子曰由知德者鮮矣陳潛公起陵陽之臺未畢數
殺人問孔子曰周作靈臺亦殺人乎對曰靈臺以子
道來何殺人之有遂罷金鄉難與言童子見問人惑
子曰與其進也子張問行子曰言忠信行篤敬雖蠻
貊之邦行矣言不忠信行不篤敬雖州里行乎哉立
則見其參於前也在與則見其倚於衡也夫然後行
子張書諸紳秋季桓子病薨而觀魯城嘆曰昔此國
幾何興矣以我獲罪于孔子故不興也顧謂其嗣康
子曰我即死若必相魯國魯必召仲尼後數日桓子
卒康子代立欲召孔子公之魚曰昔我先君用之不
終為諸侯笑今又用之倘不能終是再為諸侯笑康
子曰則誰召而可曰召冉求于是使使召冉求冉求
將行孔子曰魯人召求非小司之將大同之也是日
孔子曰歸與歸與吾黨之小子狂簡斐然成章不知
所以裁之子貢知孔子思歸遂冉求因說曰即用以
孔子為相也明年孔子六十一歲自陳還于蔡蔡昭
公將如吳公孫翩射殺昭公楚使蔡齊景公率孔
子曰蔡景公有馬千駟死之日民無得而稱焉伯夷
叔齊餓于首陽之下民至于今稱之是歲魯亳社災

哀公問社于宰我宰我對曰夏后氏以松楸人以柏
周人以栗曰使民戰栗子聞之曰成事不說遂事不
諫既往不咎明年孔子六十二歲自蔡如葉葉公問
政孔子曰近者悅遠者來葉公語孔子曰吾黨有直
躬者其父攘羊而子證之孔子曰吾黨之直者異於
是父為子隱子為父隱直在其中矣葉公問孔子於
子路子路不對子曰女奚不曰發憤忘食樂以忘憂
不知老之將至云爾孔子以葉公可與言在葉日久
時宰子為齊大夫使楚子貢為楚信陽宰葉公實薦
之楚昭王欲以安車象師道孔子宰子曰夫子之言
不離道動不違仁仕而有祿不以為積不合則去退
無心妻不服綵妾不衣帛車器不雕馬不食粟道
行則樂其治不行則樂其身臣知夫子無用此車也
王曰今而後知夫子之德也於是昭王使使奉金幣
聘孔子昭王渡江有物觸王舟王獲而恠之使使問
孔子孔子曰此萍實也惟霸能獲焉子游問曰夫子
何以知之子曰我嘗之鄭過乎陳之野聞小兒謠曰
楚王渡江得萍實大如斗赤如日割而食之甘如蜜
此楚王之應也明丘孔子六十三歲自蔡還陳吳伐
陳楚救陳昭王軍於城父聞孔子在陳蔡之間使人

采聘孔子貢自信陽至。孔子將往拜禮陳蔡大夫。謀曰：「孔子聖人，所譏刺皆中諸侯之病，今有見留陳蔡之間，諸大夫所設行，皆非仲丘之意。」孔子用於楚，則陳蔡用事大夫危矣。相與發兵拒孔子，不得行。絕糧七日，孔子時愈慷慨，講誦絃歌不衰。子路子貢顏淵而問焉，曰：「詩云：匪兕匪虎，率彼曠野。吾道非耶？奚為至此？」顏淵以次對曰：「夫子之道至大，故天下莫能容夫子，何病不容？然後見君子。」孔子欣然曰：「有是哉！顏氏之子，使爾多財，吾為爾宰。」乃使子貢之楚。楚昭王發使迎孔子。孔子濟海至楚，曰：「道不行，乘桴浮于海，從我者其由與？」子路聞之，喜子曰：「由也好勇過我，無所取材。」孔子既見昭王，王將以書社地七百里封孔子。令子西不可，曰：「王之使諸侯有如子貢者乎？」曰：「無有。」王之將帥有如子路者乎？曰：「無有。」王之官尹有如宰予者乎？曰：「無有。」王之輔相有如顏回者乎？曰：「無有。」楚之祖封于周，歸為子男。今孔子述三王之法，明周召之業，王若用之，則楚安得世世堂堂方數千里乎？夫文王在豐，武王在鎬，百里之君卒王天下，今使孔丘得據土壤，賢弟子為佐，非楚之福也。昭王乃止。會昭王有疾，不祭，河神孔固楚昭奇謂知大道。

矣，其不失國也，宜哉。昭王尋卒於城父。孔子嘗秋之，有君不如諸夏之亡也。孔子自楚反蔡，楚狂接輿歌而過孔子，曰：「鳳兮鳳兮，何德之衰！往者不可諫，來者猶可追，已而已而，今之從政者殆而。」孔子下欲與之言，趨而辟之，不得與之言。長沮桀溺耦而耕，孔子過之，使子路問津焉。長沮曰：「夫執輿者為誰？」子路曰：「為孔丘。」曰：「是也。」曰：「是知津矣。」問於桀溺，桀溺曰：「子為誰？」曰：「為仲由。」曰：「是魯孔丘之徒與？」對曰：「然。」曰：「滔滔者天下皆是也，而誰以易之？且而與其從辟人之士也，豈若從辟世之士哉？耜而不輟。」子路行以告。夫子憮然曰：「鳥獸不可與同羣，我非斯人之徒與，而誰與？」天下有道，丘不與易也。子路從而後，遇丈人以杖荷蓆，子路問曰：「子見夫子乎？」丈人曰：「四體不勤，五穀不分，孰為夫子？」植其杖而芸。子路拱而立，止子路宿，殺鷄為黍而食之，見其二子焉。明日，子路行以告。子曰：「隱者也。」使子路反見之，至則行矣。子路曰：「不仕無義，長幼之節不可廢也，君臣之義如之何其廢之？欲潔其身而亂大倫。」君子之仕也，行其義也，道之不行，已知之矣。孔子自蔡反，子路宿于石門，晨門曰：「奚自？」子路曰：「自孔氏。」曰：「是知其不可而為之者與？」

明年孔子六十四歲時衛君輒父不得立諸侯教以爲讓而孔子弟子多仕衛于是子路爲蒲宰孔子過蒲有三善之歎曰片言可以折獄者其由也與時子貢爲衛大夫結駟聯騎而過原憲於窮巷子路曰衛君待子而爲政子將奚先子曰必也正名乎子路曰有是哉子之迂也奚其正子曰野哉由也君子于其所不知蓋闕如也名不正則言不順言不順則事不成事不成則禮樂不興禮樂不興則刑罰不中刑罰不中則民無所措手足故君子名之必可言也言之必可行也君子於其言無所苟而已矣子貢曰有美玉於斯韞匱而藏諸求善價而沽諸子曰沽之哉沽之哉我待賈者也孔子在衛出遊於吳題季札墓曰嗚呼有吳延陵季子之墓過舊館人之喪脫駟而贈之子疾病子路請禱子曰有諸子路對曰有之謀曰禱爾於上下神祇子曰丘之禱久矣子疾病子路使閔人爲臣病間曰久矣哉由之行詐也無臣而爲有臣吾誰欺欺天乎且子與其死乎臣之手也無寧死于二三子之手乎且子繼不得大莖子死于道路乎他日曰魯衛之政兄弟也子擊磬於衛有荷蕢而過孔氏之門者曰有心哉擊磬乎既而曰鄙哉硜硜乎莫己知也斯

已而已矣深則厲淺則揭子曰果哉末之難矣夫子擊磬之地在于朝歌朝歌城北有殷太師墓夫子題曰殷比干墓微子去之箕子爲奴比干諫而死子曰殷有三仁焉衛孔文子使太叔疾出其妻而以其女妻之疾誘其初妻之娣爲之立宮與文子女如二妻之禮文子怒將攻之孔子客蘧伯玉之家文子就而訪焉孔子曰蘧蓋之亭則嘗聞之矣兵甲之事未之聞也退而命駕欲行曰鳥則擇木木豈能擇鳥乎文子遽止之曰圍也豈敢度其私哉亦防衛國之難也將止會冉有爲季氏將帥師與齊戰于郎之季康子曰子之於軍旅學之乎性之乎冉有曰學之于孔子康子曰孔子何如人哉對曰聞之有名播之有姓質之鬼神而無憾求之至於此道雖累千社夫子不利也康子曰我用台之可乎對曰欲召之則無以小人間之則可笑康子乃使公華公實公林以幣迎孔子孔子歸魯孔子之去魯十有一歲而反乎魯蓋周敬王三十一年魯哀公六年也明年孔子六十五歲居魯哀公館焉公自陟階孔子賓階升堂侍立公曰夫子之服其儒服與孔子對曰丘少居魯衣縫掖之衣長居宋冠章甫之冠丘聞之也君子之學也博其